


Այս հեռագիրը պատասխան է Նորին Վեհափառութեան 21 հոկտեմբ. ուղղած հետևեալ հեռագրի.

Թիֆլիս, Նորին Մեծութեան Կովկասի Պայծառափայլ Տ. Փոխարեային.

Ս. Էջմիածնի Մայր Տաճարում ամբողջ միաբանութեան և աղօթողների մեծ բազմութեան ներկայութեամբ մատուցինք ս. պատարագ և կատարեցինք մաղթանք, խնդրելով Բարձրեալից շնորհել Նորին Կայսերական Մեծութեան եւ ամբողջ Օգոստափառ ընտանիքին լիակատար առողջութիւն և երկար օրեր, առաքել փառաւոր յաղթութիւն Ռուսաց փառապանձ զօրքին ի փառս Մեծն Ռուսաստանի: Ձերդ Պայծառափայլութիւն ողորմած Կոմս, յարգանք խնդրում եմ Ձեզ արկանել առ ռոս Նորին Կայսերական Մեծութեան Իմ, ամբողջ հոգևորականութեան և Հայոց ազգի հաւատարիմ հպատակութեան զգացմունքները:

ԳԵՈՐԳ. Ե. ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ.



ԳԵՈՐԳ. ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍՏԱՆԵԼԻ ԿԱՄՕՔՆ ԱՍՏՈՒԾՈՅ ԵՊԻՍԿՈՊՈՍԱՊԵՏ ԵՒ ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ, ԾԱՅՐԱԳՈՅՆ ՊԱՏՐԻԱՐԺ ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՌՈՑ ԱՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՅԻՈՅ ՍՐԲՈՅ ԿԱԹՈՒՂԻԿԷ ԷԶՄԻԱՇՆԻ

Գերապատիւ Առաջնորդաց թեմօրէից Հայոց Ռուսաստանի, բարեշնան Խորհրդոց և Հոգաբարձութեանց Հայոց Պետրոգրադի, Մոսկուայի, Նորոյ-Նախիջևանի, Աստրախանի, Արմաւրի, Եկատերինոգրի, Վլադիկաւկազի, Բազուի, Շուշույ, Տիֆլիսեաց, Երևանայ, Աղէքսանդրապօլի, Կարուց և ամենայն հայաբնակ քաղաքաց և աւանից Կովկասու և Անդրկասպեան երկրին, Բարեգործական Ընկերութեան Հայոց Կովկասու, Մարդասիրական Ընկերութեան յանուն Ս. Գրիգորի Լուսաւորչի և Կուլտուրական Միութեան

Հայոց Բագուի, Բարեգործական Ընկերութեան և Եկեղեցական Հոգաբարձութեան Հայոց Նորոյ-Նախիջևանի և ամենայն անդամոց Աստուածահաճոյ Ընկերութեանց, Միութեանց և Յանձնաժողովոց, հարազատ որդւոց Մայր Աթոռոյս Ս. Էջմիածնի ողջոյն և օրհնութիւն Հայրապետական.

Հայրապետական Կոնդակաւ Մերով ի 5-ն օգոստոսի տարւոյս յորդոր կարդացաք առ ամենայն հոգեւոր որդիս Մեր, բնակեալս ընդ հովանեաւ Մեծազօր Պետութեան Ռուսիոյ և կոչեցաք զամենեսին փութով օգնել նիւթապէս և բարոյապէս նախ՝ վասն յաջողութեան և յաղթութեան զօրաց Ռուսիոյ ի մեծի պատեւրագմին, երկրորդ՝ վասն կազմակերպելոյ զմարդասիրական գործ օգնութեան և շուտափոյթ բժշկութեան վիրաւոր զօրականաց, որք զանձինս իւրեանց եղին վասն պատուոյ և վառաց ընդհանուր հայրենեաց և երրորդ՝ վասն սփոփելոյ և խնամելոյ զտառապեալ և զանօգնական ընտանիս զինուորաց:

Այժմ՝ մեծաւ մխիթարութեամբ հոգւոյ տեսանեմք, զի Հայ հասարակութիւնք մայրաքաղաքաց Պետրոգրադի և Մոսկուայի, Նոր-Նախիջևանի, Բագուի, Տփլիսեաց և այլ հայաբնակ քաղաքաց, որպէս և Բարեգործական Ընկերութիւն Հայոց Կովկասու, Մարդասիրական Ընկերութիւն և Կուլտուրական Միութիւն Հայոց Բաքու քաղաքի և այլ Աստուածահաճոյ Ընկերութիւնք, Միութիւնք և Յանձնաժողովք արանց և կանանց՝ ամենայն անկեղծութեամբ և ազնիւ եռանդեամբ ջանան կատարել զբարոյական և զսրբազան պարտիս իւրեանց առ քաջարի և անձնազոհ եղբարս և առ ընդհանուր Հայրենիս, բանալով զհիւանդանոցս, կազմակերպելով զգործ առողջապահական խնամոց և եղբայրական օգնութեան:

Սակայն յայտնի է Ձեզ, սիրելի որդեակք հոգեւորք, եթէ սրբան մեծ են և բազմապիսիք՝ կարիք և պահանջք ժամանակիս և սրչափ ծանր և երկարատև՝ անմիջական հետեանք սոսկալի պատերազմին: Զայս բարդ և զպատասխանատու հանգամանս առաջի աչաց ունելով, անհրաժեշտ



է վասն կատարեալ յաջողութեան՝ ընդ փոյթ ընդարձակել զմարդասիրական գործունէութիւնն և շաղկապել ընդհանուր ծրագրաւ և միարար գործունէութեամբ զամենայն ձեռնարկութիւնս Հայ ժողովրդեան, որք ուղղեալ կան ի թեթեացումն աղէտից և արհաւրաց անարկու պատերազմին:

Առ այս գոհ եմք, զինաստեղծութեամբ Բարեգործական Ընկերութեան Հայոց Կովկասու ի 14-ն ամսոյս գումարեցաւ համաժողով ի պատգամաւորաց Բարեգործական և այլ Աստուածահաճոյ և Ազգային հաստատութեանց մերոց ի Տիփլիս քաղաքի վասն միաւորելոյ և ընդարձակելոյ զգործունէութիւն Հայ ժողովրդեան՝ ի բժշկութիւն և ի հոգևոր սփոփումն վիրաւորեալ զինուորականաց և յօգնութիւն տառապեալ ընտանեաց նոցա: Համաժողովն այն ի 16-ն ամսոյս ի ձեռն նախագահի և Ատենապետի իւրոյ զեկոյց Մեզ հեռագրաւ զորոշումն և զեզրակացութիւն և ապա մատոյց Մեզ զմանրամասն արձանագրութիւն իւր և խընդրեաց առնուլ զգործունէութիւն և զբարենպաստակ ձեռնարկութիւնս ընդ հովանաւորութեամբ Մերով:

Արդ, Մենք՝ Ծայրագոյն Պատրիարք-Կաթողիկոս Ամենայն Հայոց և Պետ Հայաստանեայց Ս. Եկեղեցւոյ, տեսեալ զսոսկալի աղէտս և զարհաւիրս, հասեալս յերեսաց թշնամեաց և կատարելապէս յարգելով զորոշումն և զխնդիր համաժողովոյն և առնելով ընդ հովանաւորութեամբ Մերով զմարդասիրական գործունէութիւնս Հայ ժողովրդեան, այսու Հայրապետական Կոնգալաւս յիշեցուցանեմք Ձեզ և ամենայն հոգևոր սիրելի որդւոց Մերոց զհամապետական և զազգային պարտիս և յորդորեմք զամենեսին ընդ փոյթ հասանել յօգնութիւն վասն կազմակերպելոյ և իրագործելոյ զպահանջս ժամանակիս և զվերոյիշեալ մեծ և զմարդասէր նպատակ:

Որդեակք հոգևորք, յայսմ պատմական նշանակալից վայրկենի Ազգն Հայոց միախորհուրդ և միակամ լեալ, պարտէ ցուցանել զբարոյական կորով մեծ, զգիտակցական լուրջ վերաբերմունս և զազգային պատմական արժանիս իւր ամենայն անձնագոհութեամբ:

Ուղղելով զբանս Մեր առ մաքուր զգացմունսս և առ հեռատես խոհականութիւն հոգևոր որդւոց մերոց, յորդորեմք թողուլ զամենայն խմբակցական հաշիւս և հեռացուցանել իսպառ զներքին տարածայնութիւնս և շաղկապեալ ընդ միմեանս հայրենասիրական և մարդասիրական վեհ զգացմամբք, գործել ի միասին՝ հաւատով, յուսով և սիրով:

Հաւատամք և համոզեալ կամք, զի յաղթութեամբ և նախաձեռնութեամբ մեծագոր Պետութեան Ռուսիոյ և զինակից Պետութեանց իւրոց, փութով դադարեացին քաղաքական փոթորիկք և թագաւորեսցէ մշտատե խաղաղութիւն, արդարութիւն և ցանկալի իրաւակարգ: Յայնժամ նաև Ազգն Հայոց վերածնեալ, ազատաբար վայելեսցէ զբարիս քաղաքակրթութեան, յաւէտ երախտագիտութեամբ և օրհնութեամբ յիշելով զվերահաստատողս արդարութեան և իրաւանց ազգաց:

Ազօթեմք առ Աստուած վասն յաղթութեան, խաղաղութեան և երջանկութեան Մեծագոր Պետութեան Ռուսիոյ:

Ազօթեմք նոյնպէս վասն բարօրութեան և խաղաղ քաղաքակրթութեան Ազգիս Հայոց:

Եւ Դո՛ւք ազօթեցէք, որդեակք հոգևորք, և գործեցէք հանապաղ ամենայն եռանդեամբ և անձնուիրութեամբ:

Օրհնելով զԶեզ զամենեսին, զբարի նպատակս և զօգտաւէտ գործունէութիւնս Զեր, մաղթեմք ի Տեառնէ պարգևել ձեռնարկութեանց Զերոց յաջողութիւն կատարեալ:

Ողջ լերուք, զօրացեալ շնորհօք Ս. Հոգւոյն և յաւէտ օրհնեալ ի Մէնջ, Ամէն:

Գ Է Ո Ր Գ Ե.

ԿԱԹՈՒՂԻԿՈՍ ԱՄԵՆԱՅՆ ՀԱՅՈՅ

Ի 28 սեպտեմբերի 1914 ամի

ըստ Տոմարիս ՌՅԿԳ.

Ի Հայրապետութեան Մեքում Գ. րդ ամի

յԱրարատեան Մայր Աթոռ Ս. Էջմիածնի

Ի Վաղարշապատ

Թ. 1511—1523